

Slamdicht :

WTC Oeselgem 50 jaar

De WTC bestoa al 50 joar
Iedre zondagnuchting koomn ze bij mekoar
Binst 't seizoen
Weliswoar

G'et er van soorte
Van bij de geboorte
G'et er mee veel en g'et er zonder hoar
En g'et mannen en g'et vrouwen
En g'et jonge en g'et oude
Moa ze keun'n ol beedr tee'n de woarmte dan de koude

Zonder lidden gene cluup
Moar zonder bestuur oek nie !
Nen krokmisjeu zoonder kitschuup
Da smokt tooch oek nie
't es de dienamiek da telt :
niet wattan ze zegn moa wattanze doen mee 't geld
en achter 't fiftig joarn ziete 't resultaat :
nen cluup die bloeit en stirk
ip zijn benen stoat !

Deze wielerterroriesten
Leevn link ne poadre :
Den eenen drinkt trappiesten
En den andren drinkt woadre

In onze weireld es mobiliteit een gruode mirde
't Es de schuld van ons en ons ouders en ons ouders ilder ouders :
We zijn geweun mee veel te veel'n ip d' irde !
Moar d'oplossinge ligt bij de WTC's :
S'en Supers en s'en Diesels en s'en LPG's.

Undre beste moat
Es het klimoat
Iedre zondagnuchten wordt het were beedre
Dad es goe veur de conditie en de harts slagmeedre :
Ze zijn nie wreed aan ree'ne...
Die koomt meestal ongelee'ne
Want toon moenze were diene veeloo kuis'n !

Achter de rit goan ze ol te goare
- En zo rap meuglijk ! - noar de Vierschoare
Woar da Hans – de brovve vent –
Ze goe verwent
En olles hoort en ziet en van peikens geboart
't Es een tooffe bende...
En...
Koomt er toons toèch enen an zijn ende,
Toons wordt ie veur eeuwig
Diepe in ieders herte bewoerd...

---oooOOOooo---